



20. April 1701.

50w
85934
**SANCTISSIMI
CLEMENTIS**

**PAPÆ UNDECIMI
BREVE MOTUS PROPRII**
Super confirmatione Brevis Apostolici
Fœl. Record.

INNOCENTII

PAPÆ DUODECIMI

Editi pro concessione, & assignatione Muneris
MAGNI MAGISTERII

Militiæ Auratæ Constantinianæ ad favorem

**D. DUCIS
FRANCISCI
DUCIS PARMÆ, &c.**

ET SERENISSIMÆ EJUS FAMILIÆ

Ac super reprobatione, & declarata invaliditate gesto-
rum, seu attentatorum per

**D. PRINCIPEM
GUSTAVUM LEOPOLDUM**

DE DUPONT

Intrusum in prætenfam Administrationem ejusdem
Militiæ Constantinianæ.



22
 21
 20
 19
 18
 17
 16
 15
 14
 13
 12
 11
 10
 9
 8
 7
 6
 5
 4
 3
 2
 1

CLEMENS PP. XI.



D futuram rei memoriam. Aliis scilicet rec. INNOCENTIUS PP. XII. prædecessor noster supplicationibus dilectorum filiorum Nobilium Virorum Francisci Farnesii Parmæ, & Placentiæ Ducis, ac Joannis Andreæ Angelæ Flavii Comneni Principis Macedoniæ, & tunc Magni Magistri Militiæ Aureatæ Constantinianæ sub titulo Sancti Georgii, & Regula Sancti Basilii Magni nomine sibi super hoc humiliter porrectis inclinatus, ac etiam motu proprio, ex certa scientia, & matura deliberatione suis, deque Apostolicæ potestatis plenitudine resignationem officii, seu muneris

Magni Magistri, seu perpetui Administratoris dictæ Militiæ dicto Francisco Duci, ac ejus post ipsum Natis, Nepotibus, & Descendentibus, aliisque ejus Familiæ Farnesiæ Successoribus Parmæ, & Placentiæ Ducibus pro tempore existentibus à prædicto Joanne Andrea Principe, & Magno Magistro, qui (ut assererat) Nobilis, & antiquæ Familiæ suæ Angelæ Flavii Comnenæ solus superstes, ac non tam Liberis, quam spe illos procreandi destitutus existeret (reservato desuper Apostolicæ Sedis beneplacito) factam, publicumque desuper confectum Instrumentum, seu Scripturas sub certis modo, & forma nunc expressis perpetuò confirmavit, & approbavit, illisque inviolabilis, & irrefragabilis Apostolicæ firmitatis vim, robur, efficaciam, & validitatem adjunxit, & adjecit, & nihilominus ad majorem, & abundantiorē cautelam, & quatenus opus esset, ac etiam omni alio meliori modo, & jure, & forma, quibus firmis, & validius facere potuit, eisdem Francisco Duci, ac ejus Natis, Nepotibus, & Descendentibus, aliisque ejus Familiæ Farnesiæ Successoribus Parmæ, & Placentiæ Ducibus pro tempore existentibus, suo ordine respectivè supradictum officium, seu munus Magni Magistri, seu perpetui Administratoris Militiæ aureatæ Constantinianæ præmissis, vel alias certo, quem pro expresso haberi voluit, modo tunc vacans, cum omnibus, & singulis illius honoribus, Juribus, præminentis, & prærogativis solitis, & consuetis, motu, scientia, deliberatione, & potestatis plenitudine paribus, perpetuò concessit, & assignavit, & alias prout in ipsius Innocentii prædecessoris literis desuper in simili forma Brevis die XXIV. Octobris M DC. XCIX. expeditis, quarum tenorem præsentibus pro plenè, & sufficienter expresso, & de verbo ad verbum inserto haberi volumus uberius continetur; Postmodum verò cum dilectus etiam filius Nobilis Vir Gustavus Leopoldus Princeps de Dupont à dicto Innocentio prædecessore petiisset quandam Electionem, quam de sui Persona in Magnum Magistrum, seu perpetuum Administratorem dictæ Militiæ à nonnullis illius Fratribus, seu Militibus factam fuisse asserbat, confirmari; sed prædictæ Innocentii prædecessoris literæ ad ejusdem Francisci Ducis favorem jam expeditæ reperirentur, illarumque exemplum ipsi Gustavo Leopoldo Principi, ut earum dispositioni, & ejusdem Innocentii prædecessoris Voluntati acquiesceret exhibitum fuisset; ac nihilominus dictus Gustavus Leopoldus Princeps die xxv. Martii anni proxime præteriti per quemdam suum Procuratorem ad id specialiter constitutum prætextu memoratæ Electionis, licet invalide, & à paucis dictæ Militiæ Fratribus, seu Militibus, absque ulla legitima auctoritate,

ac solemnitatibus per Sacros Canones ad Electionis celebrationem requisitis factis, Habitum, & Crucem Militiæ prædictæ duobus Religiosis Hispanis, nempe Francisco Valentino de Lucca Ordinis Fratrum Sanctissimæ Trinitatis Redemptionis Captivorum professori, & Bartholomæo Penfmont Monacho, seu Fratri Expressi professori Ordinis Sancti Hieronymi in Hispania tradere præsumpsisset, & alias prout in publico Instrumento super traditione huiusmodi per acta cognominati Orsini Notarii Capitolini confecto diffusius continetur. Idem Innocentius prædecessor, ad cuius noticiam id subinde pervenerat, hoc negotium ad Congregationem trium S.R.E. Cardinalium, de quorum numero tunc in minoribus constituti, eramus, à se specialiter deputatam, remisit; Ipsaque Congregatio Cardinalium suum quidem desuper Decretum, & resolutionem edidit, sed dicti Innocentii prædecessoris infirmitate, & deinde obitu superveniente, literæ Apostolicæ, quas eadem Congregatio Cardinalium super Decreto, & resolutione prædictis expedire posse censuerat, minimè expediti potuerunt. Nos proinde Decreto, & resolutioni huiusmodi inherentes, ipsiusque Innocentii prædecessoris literas ad dicti Francisci Ducis favorem, ut putatur, emanatas perpetuò firmas, & inviolatas permanere volentes, ac prædictæ Electionis modum, & formam nec non omnium, quæ illius prætextu à prædicto Gustavo Leopoldo Principe quovis modo acta, & gesta sint, seriem, causas, & circumstantias universas, aliisque quæcunque, etiam specificam, & individuum mentionem, & expressionem requirentia, præsentibus pro plenè, & sufficienter expressis, & exactè specificatis habentes, motu proprio, ac ex certa scientia, & matura deliberatione nostris, deque Apostolicæ potestatis plenitudine, omnia, & singula per dictum Gustavum Leopoldum Principem, & memoratum ejus Procuratorem dictæ Electionis prætextu quomodolibet acta, gesta, & ordinata, cum omnibus inde secutis, & forsitan quodocunque secuturis penitus, & omnino nulla, inania, invalida, irrita, attentata, ac propterea nullatenus attendenda esse, & perpetuò fore; idque in margine dicti Instrumenti, ad hoc ut in eo contenta pro irritis, nullis, invalidis, viribusque, & effectu penitus, & omnino vacuis semper habeantur, adnotari debere renore præsentium decernimus, & declaramus; Ac præterea dilecto filio nostro in dicta Urbe Vicario in spiritualibus Generali, & aliis, ad quos spectat, harum serie committimus, & mandamus, ut Franciscum Valentinum, & Bartholomæum Religiosos præfatos ad redeundum ad Claustra suarum Religionum opportunis juris remediis auctoritate nostra Apostolica cogant. Docernentes etiam easdem præsentis literas, & in eis contenta quæcunque, etiam ex eo quoddam Gustavus Leopoldus Princeps, & Religiosi præfati, & alii quicunque in præmissis interesse habentes, seu habere quomodolibet præterentes, cuiusvis status, gradus, ordinis, præminentie, & dignitatis existant, seu alijs specifica, & individua mentione, & expressione digni illis non consenserint, seu ad ea vocari, citari, & audiri, causæque propter quas præsentis emanarint sufficienter adductæ, verificate, & iustificate non fuerint, aut ex alia qualibet, etiam quantumvis juridica, & privilegiata causa, colore, prætextu, & capite etiam in corpore juris clauso, etiam enormis, enormissimæ, & totalis læsionis nullo unquam tempore de subreptionis, vel obreptionis, aut nullitatis vicio, seu intentionis nostræ, aut interesse habentium consensus, aliove quolibet etiam quantumvis magno, & substantiali, ac incogitato, & inexcogitabili, individuumque expressionem requirente defectu notari, impugnari, infringi, retractari, in controversiam vocari, aut ad terminos juris reduci, seu adversus illas apertionis oris, restitutionis in integrum, aliudve quodcunque Jutis, Facti, vel Gratæ remedium intentari, vel impetrari, aut impetrato, seu etiam motu, scientia, & potestatis plenitudine paribus concessio,

concesso, vel emanato quempiam in Iudicio, vel extra illud uti, seu se juvare ullo modo posse, sed ipsas præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quodcumque spectabit inviolabiliter, & inconcussè observari; Sicque, & non aliter in præmissis per quoscunque Iudices ordinarios, & delegatos etiam causarum Palatii Apostolici Auditores, ac dictæ S. R. E. Cardinales etiam de Latere Legatos, & Apostolicæ Sedis Nuncios, aliosve quoslibet quacunque præminentia, & potestate fungentes, & functuros sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari, non obstantibus præmissis Constitutionibus, & Ordinationibus Apostolicis, nec non dictæ Militiæ, aliisque quibuscunque etiam juramento, confirmatione Apostolica, vel quavis firmitate alia roboratis Statutis, & consuetudinibus, stabilimentis, usibus, & naturis, privilegiis quoque, indultis, & Literis Apostolicis eidem Militiæ, illiusque Fratribus, & Personis etiam primoribus, seu primis sub quibuscunque verborum tenoribus, & formis, & cum quibuscunque etiam derogatoriis derogatoriis, aliisque efficacioribus efficacissimis, & insolitis clausulis, irritantibusque, & aliis Decretis in genere, vel in specie etiam motu, scientia, & potestatis plenitudine paribus, ac Concistorialiter, & aliis quomodolibet in contrarium præmissorum concessis, & pluries, & quantiscunque vicibus confirmatis, approbatis, iteratis, & innovatis. Quibus omnibus, & singulis etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per Clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata exprimerentur, & infererentur præsentibus pro plenè, & sufficienter expressis, & insertis habentes illis alias in suo robore permanfuris ad præmissorum effectum hac vice dumtaxat specialiter, & expressè derogamus, & derogatum esse volumus, cæterisque contrariis quibuscunque. Datum Romæ apud Sanctum Petrum sub Annulo Piscatoris die XX. Aprilis M. DCCI. Pontificatus Nostri Anno Primo.

Subscript. F. Oliverius.





PALA
L. 11